



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 11. Pontificis Responsum ad Montfortii Comitis propositiones.

[urn:nbn:de:hbz:466:1-66577](#)

Sæcul. XVI., test, sed primo agendum de Evcha-
A.C. 1551. „ristia, quæ Controversia magis respi-
„cit Helvetios, Zwinglianos, quam
„Germaniæ Protestantes, qui instar il-
„lorum Sacramentarii non sunt. „ De-
inde Comes ad communionem calicis
sermone converso ostendit, abiiciendam
plane spem omnem conciliandorum Pro-
testantium, si semel intelligunt, articu-
lum illum, quem tantopere urgent,
contra suam sententiam decisum, cum
Cæsar in decreto suo de re religionis
interim attemperanda, calicis usum
ipsis permettere coactus fuerit, ut pro-
inde nunc etiam ad Protestantium us-
que adventum differenda sit ejus trac-
tatio.

Hæ rationes firmæ videbantur, nec
id inficiabatur Legatus, cum vero rem
decidere suarum partium haud esset,
hinc benigno sermone rem protrahere
studuit, ut demum, quid Pontifex sen-
tiret, acceptis literis exploratum ha-
beret, sub idem tamen tempus ad Pa-
pam articulos a Theologis examinatos,
nec non doctrinæ capita, ac Canones
sancitos retulit.

§. XI.
*Pontificis responsum ad Montfortii Co-
mitis propositiones.*

Postquam summus Pontifex per Lega-
ti

Sæc. XVI.
A.C. 1551.

ti literas de cunctis Montfortii postulatis certior reddebatur, rem in quodam Patrum Senatu proposuit. Varia tum erat opinantium sententia, præcipue circa fidei publicæ literas, quas Comes Protestantibus a Tridentinis Patribus dari postulabat. Potissimi illis ejusmodi literas concedi negabant, eoque, inquietabant illi, id a nulla unquam Synodo factum legatur, excepto solo Basileensi conventu, quem tamen nulla ex parte imitari oporteret. His addebat, quod Protestantium accessus ad Concilium unice deserviret ad corrumpendos quorumdam fidelium mores, cum hi prohiberi vix possent, ne suam hæresin disseminarent: Idem quoque ante aliquot annos Paulo Vergerio Justipolitano Antistiti accidisse referebant: Aliunde vero metuendum esse ajebant, ne Lutheri Sectatoribus sese Concilio subiicere renuentibus datae fidei auctoritas in Concilii vilipensionem cederet: denique hac in re a Synodo obsequii genus hæreticis nunquam deferendum postulari inferebant. Alii econtra affirmabant, quod Protestantibus hac fidei publicæ cautione esset satisfacientum, non tam compendii ex eorum conversione hauriendi spe, quam omnis excusationis, ac prætextus ipsis præcidendi studio: Præcipue vero Cæsari

B 4

id

Sæcul. XVI. id impensius flagitanti ultro concedendum censebant, ne forte Patres ejus voluntati cedere vi compellantur, eo potissimum tempore, quo Pontifex a Franciæ Rege bello pressus omnino a Cæsaris arbitrio dependeret: De cetero securitatis literas ita instruendas existimabant, ut nullo, aut saltem levissimo nexu Patres obstringant, dummodo speciatim Protestantes non nominentur, sed amplioribus verbis duntaxat Ecclesiasticis, atque Nationis Germanicæ Laicis cuiuscunquè demum conditionis caveretur: Generalibus enim hisce verbis Protestantes quidem comprehendendi asserebant, æque tamen dici posse, quod soli Catholici his verbis intelligentur, minime vero Protestantes, quos alioquin distincte, ac speciatim nominari convenisset. Denique putabant, hasce securitatis literas eo modo, ut nihilominus sua summo Pontifici auctoritas constaret, Protestantibus esse concedendas, necnon judices, qui in perpetra-
ta criminis inquirant, ita esse deputan-
dos, ut horum electio ad avertendam
omnis suspicionis causam, ipsis Protes-
tantibus relinquiri posset: hac ratione
disciplinæ vim, ac Pontificis auctorita-
tem retentum iri ajebant.

Prævaluit posterior hæc sententia apud Julium Pontificem, qui horum
bi
con-

confilia eo promptius sequebatur , quo Sæcul. XVI.
magis Legati voluntati consonum esset: A.C. 1551.
Unde datis ad eundem literis illius pru-
dentiam valde commendans præcepit,
ut juxta tenorem nuper transmissum
publicæ fidei literas confici juberet, at-
que ultra trimestre discussionem articu-
li de communione Calicis , cum inte-
rim Protestantes expectarentur , differ-
ret atque intra quadraginta dierum in-
tervallum una haberetur Sessio de Sa-
cramento Pœnitentiæ. Tandem Papa
in suo responso observabat , quod Ca-
nones de Eucharistia paulo fusiori cala-
mo fuerint conscripti, unde potius illos
esse dividendos monebat. (°)

§. XII.

*Reformationis capita in quibusdam
Congregationibus discussa.*

Eodem tempore , quo Tridenti de doc- *Paul. Sarpi.*
trinæ capitibus agebatur , aliæ ha- *l. 4. p. 31.*
bebantur Congregationes , in quibus ea , *Pallav. l. 12.*
quæ morum emendationem concernunt ,
discutiebantur: Præprimis vero ageba-
tur de Jurisdictione Episcopali.

B 5

§. XIII.

(°) Hæc omnia Continuator ex Paulo Sar-
pio vix non de verbo descripsit , enim tamen
allegare noluit , ne forte sedulus Lector ea de-
prehenderet , quæ Continuator ad majorem
invidiam in Pontifices , & Synodi Patres con-
citandam pro suo arbitrio adjecta.